

Održana inauguralna svečanost Visokog sudskog i tužilačkog vijeća

Danas je u Sarajevu održana inauguralna svečanost Visokog sudskog i tužilačkog vijeća (VSTV) Bosne i Hercegovine, Federacije Bosne i Hercegovine i Republike Srpske. Vijeća su zadužena za imenovanje svih sudija i tužilaca u BiH, sa izuzetkom Ustavnog suda i sudova za prekršaje. Pored toga, oni će voditi postupke protiv sudija i tužilaca protiv kojih postoje navodi da su počinili disciplinski prekršaj.

Otvarajući svečanost, Visoki predstavnik, Paddy Ashdown, istakao je važnost nezavisnog pravosuđa za vladavinu zakona, a što je prioritet koji je on naveo prilikom preuzimanja funkcije Visokog predstavnika, navodeći: "Ovo je kamen temeljac za Bosnu i Hercegovinu...po prvi put u historiji ovoga regiona svjedoci smo podjele u pravosuđu – na one koji provode zakone – i one koji stvaraju zakone. Pravosuđe na djelotvoran način postaje samo-regulirajuće. Ova podjela ovlasti podstiče i jača ono što mi zovemo vladavinom zakona."

Sudija Jan Erik Oja iz Švedske predsjedavat će svim vijećima. Entitetska vijeća FBiH i RS imat će po šesnaest članova- u oba će raditi istih osam međunarodnih članova, zajedno sa šest domaćih članova iz jednog entiteta, kao i dva domaća člana iz vijeća drugog entiteta. Vijeće BiH činit će svih osam međunarodnih članova i dvanaest domaćih članova entitetskih vijeća, te još pet domaćih članova, što ukupno čini 25 članova Vijeća.

"Međunarodni članovi sva tri visoka sudska i tužilačka vijeća bit će članovi samo u toku prelaznog perioda i za vrijeme tog perioda, zajedno sa domaćim članovima, postaviti ćemo jake temelje za budući rad vijeća u modernom i efikasnom

pravosudnom sistemu, koji će zadovoljiti najviše međunarodne standarde, kao i pravosudnom sistemu u modernom, demokratskom društvu u kojem vladaju zakoni” – naveo je sudija Jan Erik Oja, predsjednik visokih sudskih i tužilačkih vijeća.

Pored imenovanja i disciplinskih postupaka protiv sudija i tužilaca, vijeća će, u budućnosti, obavljati i niz drugih aktivnosti kao što je nadgledanje usavršavanja sudija i tužilaca. Vijeća će, također, davati prijedloge Parlamentu u vezi sa sudskim budžetom kako bi osigurali redovno i neovisno finansiranje sudova kao i pružanje podrške sudovima.

Prioritet u zadacima Visokog sudskog i tužilačkog vijeća na državnom nivou je odabir sudija i tužilaca za imenovanja u krivična i upravna odjeljenja Suda Bosne i Hercegovine.

Za više informacija molimo da kontaktirate glasnogovornika visokih sudskih i tužilačkih vijeća, Sanelu Tunovic, na broj telefona ++387/ 061 131 785 or ++387/(0) 33 445 216, lokal 205.